

IBERALL HOGGAD LEIT

Guggd a' Mensch en's Wassr - a' Surfbredd des muaß her
Guggd a' Mensch zom Hemml - an Dracha der muaß her
Freizeit iber alles, Schdeggapferd dodal
Berg ond Daal ond Bach ond Wias - iberall hoggad Leit!

Guggd a' Mensch en's Bächle - a' Kanu des muaß her
Schdoahd a' Mensch am Hügele - a' Mountainbike des muaß her
Freizeit iber alles, Schdeggapferd dodal
Berg ond Daal ond Bach ond Wias - iberall hoggad Leit!

Oh, Kanufahrer, woisch' net wo noa' mit 'em Kies
Bleib' doch liabr draußa, dua äbbes fir's Paradies
Oh, Kanufahrer, i' hädd' an bess'ra Ploa'
Des Bächle isch' fir Eisvegl ond Wasseramsla doa...

Oh, Mountainbiker, woisch' net wo noa' mit 'em Kies
Bleib' doch liabr dronda, dua äbbes fir's Paradies
Oh, Mountainbiker, i' hädd' an bess'ra Ploa'
Des Hügele isch' fir Orchidea ond andre Bleamla doa...